

THOMAS DE HASELBACH VVIENNENSIS PROFESSOR.



Thomas de Haselbach ingenio præstâtissimo erat præditus, atq; sacris & prophanis literis eruditissimus. Itaq; ordinarius S. Theologiæ professor in Academia Vuiennensi ordinatus fuit. Erat autem is nimium diffusus & prolixus, & ob id meritò reprehēsiōni quorundam obnoxius. Nam uno & uiginti annis in Esaia propheta legens, nōdum peruenerat ad finem primi capituli. scripsit autem plures alios libros, utpote in Esaiam, super Sētētias, de quinq; sensibus hominis, in Decem præcepta, & Sermones de tempore. Claruit circa annum Domini 1410. cum Rubertus Cęsar, & Gregorius 12 papa Christianum orbem gubernarēt. Trit.